

关于小年的诗句喜悦

1.
茂陵病後非平昔，瘦骨矜嶮短发疏。红烛悔从长夜饮，青灯喜对小年书。
。圣贤亲见生非晚，忿欲俱空死有余。破屋颓垣君勿笑，更阑弦诵满吾庐。
——陆游《冬夜读书》
2.
险峭虽从笔下成，精能皆自意中生。倚云孤桧知无朽，挂壁高泉似有声。
。转扇惊波连岸动，回灯落日向山明。小年师祖过今祖，异域应传项信名。
——方干《观项信水墨》
3.
独有颓年感，偏逢故旧欢。壶觞迎小岁，灯火候仙坛。正直平生是，飞
腾晚暮看。宁因祠灶礼，名姓动天官。——区大相《小年夜诸客过集》
4.
野店山桥策蹇驴，浩然聊喜遂吾初。童颜几岁已辞镜，胎发今朝还入梳。
。小瓮漫营秋社酒，断编闲理小年书。白云可笑犹多事，常向人间耐卷舒。
——陆游《旅舍偶题》
5.
小年为写游梁赋，最说汉江闻笛愁。今夜听时在何处，月明西县驿南楼。
。——元稹《使东川·汉江上笛》
6.
陌头飞雪浥轻尘，江上寒云限去津。对酒远怀同舍客，维舟犹作异乡人。
。谁家村鼓驱傩鬼，何处香饧事灶神。明日东风京国道，满头华发为谁新。
——刘崧《小年夜对酒忆吕徐二僉宪》

7.
旅馆身如赘，春催未尽年。童颜欺白发，老眼看青天。徇俗焚巫马，乘风笑纸鸢。岁穷穷未送，泪落湿薪烟。——林光《小年二首其二》

8.
远客无佳节，狂风又小年。江吞湖岭外，舟避涨沙前。阅世慵双眼，题诗更短篇。迷途还买醉，高枕赣州船。——林光《客中小年四首其二》

9.
岁月不肯住，看看又小年。诗穷残腊后，杯引大江前。乐事思南土，閒情寄短篇。夜来风势恶，惊徙五更船。——林光《客中小年四首其一》

10.
山静似太古，日长如小年。余花犹可醉，好鸟不妨眠。世味门常掩，时光簟已便。梦中频得句，拈笔又忘筌。——唐庚《醉眠》

11.
小年那得此风流，老子登临兴未休。恨石尚分三敌国，仙翁合列五诸侯。——王洋《五老峰》

12.
衡门忽有满堂宾，皆诧瞿聃抱送麟。懒作柳边退朝客，宁为花下弄孙人。小年置膝尤钟爱，晚岁含饴当食珍。吾万卷书将付汝，胜如制造水银银。——刘克庄《竹溪以余得第七孙惠诗次韵一首》

13.
檐外苍榕六月秋，小年来此爱深幽。坏墙萤出如渔火，古壁蜂穿似射侯。涉世昏昏忘旧话，入山历历记前游。故人埋玉僧归塔，独听疏钟起暮愁。——刘克庄《华严知客寮》

14.
舐犊情何限，亡羊意易迷。聊为暮景玩，遽与小年齐。涨乳空宵哺，深闺失晓啼。已知真幻泡，感至一悲栖。——姜特立《失骏子》

15.

虚堂明烛小年时，子弄瑶琴父咏诗。会得心中无事旨，乐夫天命复奚疑。
。——吴与弼《小年夜》

16.

一碗清汤诗一篇，灶君今日上青天；玉皇若问人间事，乱世文章不值钱。
。——吕蒙正《祭灶诗》

17.

百岁禅师说，先师指此松。小年行道绕，早见偃枝重。月榭移孤影，秋亭卓一峰。终当因夜电，拏攫从云龙。——齐己《古寺老松》

18.

轻风澹月，年年去路。谁识小年初度。桥边曾弄碧莲花，悄不记、人间今古。吹箫江上，沾衣微露。依约凌波曾步。寒机何意待人归，但寂历、小窗斜雨。——刘辰翁《鹊桥仙自寿二首》

19.

甲子春侵腊，燕京又小年。儿童欢礼灶，箫鼓闹喧天。数九晴看柳，书空仰羡鸢。此身吾自有，富贵乃浮烟。——林光《小年二首其一》

20.

只鸡胶牙糖，典衣供瓣香。家中无长物，岂独少黄羊。——鲁迅《庚子送灶即事》

21.

晚泊清江思悄然，风沙石濑咽涓涓。客边沽酒逢残腊，雨里迎春到小年。疏磬忽传红叶寺，荒村多住白芜烟。觉来旅况真无味，兴尽思回雪夜船。——李之世《舟次小年》

22.

万木乱参天，孤峰对铁船。客因看画至，寺以伏龙传。宝笈悲前代，薄团坐小年。松花吹不定，半落讲堂边。——闵麟嗣《黄龙寺》

23.

马蹄遍历雪花天，客路惊心又小年。寒满疏林时序改，晓侵野色雾烟连。故园何处梅花发，瘦影横空沼砌边。已报春光消息近，驺亭索寞怅风前。——黄公辅《武冈道中小年》

24.

南浦盈盈泪，东风小小年。回镫窈窕夜，分镜沈寥天。销骨惊花箭，离肠泥酒船。可怜明月子，依旧影娟娟。——张含《离夕有赠》

25.

老夫眼暗牙齿疏，七十未满六十余。故人欲尽谁与娱？独坐默诵小年书。北风日夜吹雨急，空村泥深屋茆湿。凤皇览德乃下集，可怜飞萤常熠熠！——陆游《雨夜南堂独坐》

26.

杏子青青梅子酸，山园转眼又春残。老怀岂复小年乐，病骨不禁清晓寒。学术背时甘义堕，功名无路久心阑。蚕收麦熟吾何恨，但遣银杯似海宽。——陆游《春晚园中作》

本文链接：<https://duanjuziku.com/duanjuzi/86e053dpqg.html>